



# Cili është gjykimi i shkurtimit të qimeve të trupit?

الحمد لله و صلى الله و سلم على نبينا محمد. أما بعد

Në lidhje me qimet e trupit ka mospajtim.

Shumica e dijetarëve të kohës tonë, prej tyre Shejkh Bin Bazi, Ibn Uthejmini dhe Dijetarët e Lexhnes e konsiderojnë të lejuar. Thonë:

*“Nuk ka argument që e ndalon.”*

Këta dijetarë i ndajnë qimet e trupit në tre lloje:

- 1) Qime të cilat është detyrë heqja e tyre brenda 40 ditëve. Këtu përfshihen: qimet në sqetulla, qimet në vendin intim (përreth organit gjenital).
- 2) Qime të cilat është e ndaluar heqja e tyre. Këtu përfshihen: qimet e mjekrrës te burrat, qimet e vetullave te burrat dhe gratë, flokët te gratë poshtë normales, me të cilën përngjason me burrat.
- 3) Qime të cilat lejohet heqja e tyre. Këtu përfshihen: qimet e gjoksit për burra dhe për gra, apo qimet e këmbëve për burra dhe gra.

Shejh Albani e konsideron të ndaluar heqjen e qimeve në të gjithë pjesët e trupit, përpos në ato vende të cilat është detyrë heqja e tyre, apo lejohet heqja e tyre (flokët te burrat).

Lejohet që burri t’i heq, ose t’i rruaj flokët e kokës në çdo kohë, përpos kur është në Ihram.

Disa dijetarë e konsiderojnë mekruh rruajtjen e kokës për burrat, përpos në Haxh apo Umra, apo kur e ka të nevojshme.

Nëse dikush ecën me mendimin që bën, atëherë t’a bëje vetë.

Gruas nuk i lejohet të shkoje t’a zbulojë trupin e saj te gratë tjera. Le t’a bëje vetë.

Burrave nuk iu lejohet të zbulojnë pjesët e turpshme te të tjerët.

و صلى الله على نبينا محمد وعلى آله و صحبه و سلم